



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 219

DATUM: 13.05.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

- | | |
|--|---|
| Četiri općine Federacije BiH među najboljima u regiji | 1 |
| Održan Okrugli sto na temu Reforma javne uprave— stanje i buduće aktivnosti | 2 |
| Načelnik Jerkić upriličio prijem goste iz Italije | 2 |
| Potpisan sporazum— Vjetropark | 3 |
| Bigmev nastavlja uspostavljanje partnerstva BiH i općina u Turskoj | 4 |
| Potpisana Povelja o saradnji i prijateljstvu Općine Jajce sa gradom Szekszardom | 4 |
| Baščaršija postaje pješačka zona | 5 |
| Novi Grad Sarajevo provodi aktivnosti na realizaciji projekta "Grad— općina po mjeri djeteta" | 5 |
| Svečanim koncertom Zagrebačke filharmonije u Vijećnici obilježen Dan Evrope i Pobjeda nad fašizmom | 6 |

Bilten Saveza općina i gradova Federacije Bosne i Hercegovine

ČETIRI OPĆINE FEDERACIJE BIH MEĐU NAJBOLJIMA U REGIJI

Bosanska Krupa, Goražde, Tešanj i Žepče dobitnici su certifikata o povoljnom poslovnom okruženju što je ove lokalne samouprave svrstalo među najbolje investicione destinacije u jugoistočnoj Evropi. Priznanje za unapređenje rada lokalne administracije primili su na IV regionalnom BFC SEE kongresu u Podgorici, u organizaciji Ministarstva finansija Crne Gore i NALED-a uz podršku GIZ Otvorenog regionalnog fonda za modernizaciju općinskih usluga. Pored



njih, certifikate je zaslužilo još 11 lokalnih samouprava iz regije, četiri iz Makedonije, četiri iz entiteta Republika Srpska, dvije iz Hrvatske i jedna iz Srbije, među kojima su Skoplje, Bijeljina, Šabac, Jastrebarsko i dr. Ukupno je po BFC SEE standardu do danas certificirano 26 lokalnih samouprava koje pružaju kvalitetne usluge i povoljno poslovno okruženje za oko dva miliona ljudi i 105.000 preduzeća. U Federaciji BiH je ovu potvrdu kvaliteta prethodnih godina dobio Sanski Most. Na IV regionalnom kongresu koji je okupio brojne ministre, čelnike gradova i općina i privredne lidere svečano je ozvaničen ulazak Crne Gore u Program certifikacije općina po mjeri privrede u jugoistočnoj Evropi (BFC SEE). Odaabranih pet crnogorskih općina prve će ući u proces certifikacije i dobiti priliku da unaprijede poslovnu klimu u skladu sa najboljim praksama regije i EU. „Izuzetno nam je drago što se Crna Gora pridružuje BFC SEE programu jer nastavljamo da širimo mrežu lokalnih samouprava u kojima će investitori naći pouzdane partnere. Investitori odluku o ulaganju donose posmatrajući regiju kao jedno tržište i zato jačanjem BFC SEE činimo sve države na ovom području atraktivnijim na globalnoj investicionoj mapi“, kaže Kristof Di Marko, menadžer GIZ Otvorenog regionalnog fonda putem kojeg vlade Nemačke i Švicarske podržavaju BFC SEE. Trenutno više od 60 lokalnih samouprava iz regije unapređuju poslovno okruženje kroz BFC program. Istraživanje sprovedeno po metodi tajnog kupca pokazalo je da su uslovi poslovanja u certificiranim općinama 76% bolji nego u ostalim sredinama. Otuda ne čudi da čak 90% certificiranih općina smatra da je posjedovanje BFC SEE certifikata korisno ili veoma korisno. U periodu 2012-2015. općine certificirane po mjeri privrede privukle su gotovo milijardu eura direktnih stranih investicija što je u prosjeku tri puta više od njihovih konkurenata koji nemaju certifikat. U BFC SEE regionalnoj mreži učestvuje 20 institucija i organizacija iz Srbije, Hrvatske, BiH, Makedonije i Crne Gore i doprinose jačanju regionalne saradnje i razmjene — među njima su nadležna ministarstva, privredne komore, udruženja općina, razvojne agencije, OCD i univerziteti.





ODRŽAN OKRUGLI STO NA TEMU REFORMA JAVNE UPRAVE- STANJA I BUDUĆE AKTIVNOSTI



Zajednička komisija za evropske integracije Parlamentarne skupštine Bosne i Hercegovine (PSBiH), uz podršku Misije OSCE-a u BiH, organizirala je 5. maja/ svibnja u Mostaru Okrugli sto o stanju i budućim aktivnostima u procesu reforme javne uprave u BiH, najavljeno je iz Sektora za odnose s javnošću Parlamentarne skupštine BiH. Savez općina i gradova Federacije je bio prisutan i aktivno učestvovao u

diskusijama. To je drugi u nizu okruglih stolova u organizaciji Zajedničke komisije za evropske integracije posvećen obavezama i izazovima u procesu evropskih integracija nakon stupanja na snagu Sporazuma o stabilizaciji i pridruživanju te podnošenja aplikacije za članstvo Bosne i Hercegovine u Evropskoj uniji. Osim informisanja o reformskim obavezama Bosne i Hercegovine na putu ka EU, cilj Okruglih stolova koji će do kraja ove godine biti održani u različitim gradovima i općinama u BiH je da se u konstruktivnom dijalogu afirmiše proces evropskih integracija kroz ukazivanje na prednosti koje u svim oblastima života i segmentima društva, posebno u ekonomiji, pravosuđu, javnoj upravi, obrazovanju, nauci i kulturi, donosi ispunjavanje evropskih standarda kroz proces pridruživanja EU.

NAČELNIK JERKIĆ UPRILIČIO PRIJEM ZA GOSTE IZ ITALIJE

Općinu Čitluk su 22. aprila/ travnja posjetili Luciano D'Alfonso, predsjednik talijanske regije Abruzzo, Gennaro Matarazzo, gradonačelnik Grada Manoppella, i Davide Iezzi, predsjednik Gradskog vijeća Manoppella. Goste iz Italije u svom uredu primio je načelnik općine Čitluk Ivo Jerkić, a današnjem sastanku u Općini Čitluk također su nazočili: Predrag Smoljan ispred JP Broting i Krešimir Milićević ispred TZ HNŽ.

Načelnik općine Čitluk Ivo Jerkić tokom ugodnog druženja upoznao je goste iz Italije s osnovnim karakteristikama općine Čitluk. Poseban naglasak načelnik Jerkić stavio je na Međugorje i brojne hodočasnike koji posjećuju međugorsko marijansko svetište, dok je gradonačelnik Matarazzo načelnika Ivo Jerkića upoznao je s osnovnim obilježjima mjesta iz kojeg dolazi, prilikom čega je posebno istaknuo svetište u vlasništvu franjevac kapucina u kojem se čuva Veronikin rubac, platno na kojem je vidljiv Isusov lik.

Nakon sastanka u Čitluku sličan sastanak održan je i u Mostaru, gdje su predsjednik Vlade Hercegovačko-neretvanske županije Nevenko Herceg, predsjednika talijanske regije Abruzzo Luciano D'Alfonso, načelnik općine Čitluk Ivo Jerkić i Gennaro Matarazzo, gradonačelnik Grada Manoppella, potpisali pismo namjere vezano za uspostavu suradnje i prijateljskih odnosa.



Grb Općine Čitluk

Potpisivanju u Gradskoj vijećnici Grada Mostara nazočio je gradonačelnik Grada Mostara Ljubo Bešlić, a svi sudionici sastanka u Mostaru izrazili su zadovoljstvo nakon održanog sastanka, poslije kojega je uslijedio posjet nekoliko znamenitosti Grada Mostara.

Budući da su glavne tema razgovora bile otvaranje mogućnosti za suradnju mladih, uspostava suradnje na gospodarskom polju i hodočasničke rute, izaslanstva su posjetila i Međunarodnu zračnu luku Mostar te su s direktorom Marinom Raspudićem razgovarala o mogućnosti ponovne uspostave zračne linije Mostar-Pescara, što bi jako pogodovalo turistima. Budući da je Luciano D'Alfonso pri regionalnom odboru Europskog parlamenta tema današnjih sastanaka bila je i zajednička regionalna suradnja u realizaciji projekata putem Europske unije.

POTPISAN SPORAZUM- VJETROPARK

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbh-bih-mne.org
www.srb-bih.org
www.cbh-cro-bih.net
www.programmmed.eu
www.facso.org
www.euinfoceantar.ba
www.balkanfund.org
www.eurelsmmed.com
www.eacea.ec.europa.eu



Grb Grada Mostara



Gradonačelnik Grada Mostara, Ljubo Bešlić, ministar privrede HNK-a Željko Laketić i izvršni direktor za kapitalne investicije Elektroprivrede BiH, Senad Salkić potpisali su 9. maja/ svibnja u Mostaru Ugovor o realizaciji Programa o međusobnoj saradnji radi realizacije Projekta izgradnje VE1 Podveležje, mikrolokacija Mali Grad i Sveta Gora i Aneksa 4 na Ugovor o koncesiji za korištenje 16 (šesnaest) lokacija za izgradnju i rad 16 vjetroagregata u svrhu proizvodnje električne energije. Projekt je vrijedan oko 160 mil. KM, a Elektroprivreda BiH sredstva je osigurala iz kredita

njemačke razvojne KfW Banke. Ako sve bude teklo po planu, prvi kilovati električne energije iz mostarske vjetroelektrane trebali bi poteći do kraja 2018. godine. Iako je ugovor slične sadržane potpisan još 2011. godine, a nakon toga u još nekoliko navrata potpisivani su aneksi ugovora, predstavnici Elektroprivrede BiH i mostarski gradonačelnik Ljubo Bešlić vjeruje kako više neće biti kašnjenja u realizaciji ovog projekta. „Više nema odlaganja jer Grad Mostar neće dati saglasnost na novi produžetak koncesije. Mi smo već jednom potpisali ugovor s Elektroprivredom BiH o početku izgradnje, ali je nakon općih izbora 'Alijansa' potrošila novce na nešto drugo. Onda se tražio produžetak koncesije koji smo dali, pa se opet sljedećih četiri godine ništa nije radilo i onda smo došli na današnji datum da potpisujemo novi sporazum“, istaknuo je gradonačelnik Bešlić. Podsjetio je da je još 2007. godine Gradsko vijeće Mostara donijelo odluku o izgradnji vjetroelektrane na lokalitetu Podveležje, dodavši kako se nada da će se sada konačno taj projekt i realizovati, što bi trebalo rezultirati otvaranjem novih radnih mjesta i uređenjem lokalne infrastrukture. Izvršni direktor za kapitalne investicije Elektroprivrede BiH Senad Salkić kazao je da će ukupna instalirana snaga vjetroparka Podveležje iznositi 48 megavata. „U sljedećih desetak dana raspisat ćemo tender za izgradnju pristupnih putova i montažne platforme, kao i lot za nabavku vjetroagregata i elektro opreme. Nadamo se da ćemo, ako sve bude išlo prema dinamičkom planu, 2018. godine imati završen ovaj projekt. Za nova kašnjenja, svakako, neće biti opravdanja“, kazao je Salkić. Dodao je kako početak izgradnje vjetroelektrane Podveležje predstavlja znak da je Elektroprivreda BiH opredijeljena za proizvodnju električne energije iz obnovljivih izvora energije. Predsjednik Vlade HNK-a Nevenko Herceg kazao je kako projekt izgradnje vjetroparka Podveležje predstavlja najveću poslijeratnu investiciju u HNK-u. „Konačno naše prirodne resurse stavljamo u funkciju razvitka. Posebno me veseli što se radi o investiciji u obnovljive izvore energije. Vjetar je najperspektivniji izvor energije i, prema predviđanjima, u tom segmentu industrije do 2030. u svijetu će se otvoriti tri milijuna novih radnih mjesta“, dodao je Herceg. Prema danas potpisnom sporazumu, Elektroprivreda BiH i Grad Mostar sufinancirat će izgradnju lokalnih cesta do ulaza u vjetropark, dok će uređenje ceste unutar vjetroparka financirati Elektroprivreda BiH. Potpisivanju su bili prisutni i predsjednik Parlamenta Federacije BiH Edin Mušić, Skupštine HNK-a Šerif Špago, načelnik Odjela za finansije i nekretnine Grada Mostara Izet Šahović.



BIGMEV NASTAVLJA USPOSTAVLJANJE PARTNERSTVA BIH I OPĆINA U TURSKOJ

Delegacija iz turskog grada Oğuzeli na čelu sa načelnikom Mehmet Sait KILIÇ je posjetila Općinu Vareš. Tom prilikom potpisan je sporazum o saradnji dvije općine. Do saradnje je došlo na osnovu inicijative od strane Općine Vareš i uz pomoć udruženja BIGMEV.

Razmatrana je mogućnost uspostavljanja partnerstva i saradnje Općine Vareš sa nekom od općina u Turskoj. Općina Oğuzeli – Gaziantep u Republici Turskoj je prva prihvatila inicijativu i iskazala interes da uspostavi saradnju sa Općinom Vareš donošenjem Odluke o bratimljenju 01. 12. 2015. godine. Uspostavljanje partnerskih odnosa i saradnje sa Općinom Oğuzeli – Gaziantep u Republici Turskoj trebalo bi da rezultira razmjenom na kulturnom, sportskom i privrednom nivou što bi donijelo boljitak za obje zajednice.

Pravni osnov za donošenje ove Odluke sadržan je u odredbama člana 22. i člana 116. Statuta Općine Vareš-prečišćeni tekst, broj: 01-162/12 od 11.09.2012.godine, kojim je utvrđeno da Općina Vareš može uspostaviti trajnu prijateljsku saradnju i druge oblike saradnje sa lokalnim i regionalnim jedinicama drugih država u skladu sa općinskom odlukom.

O uspostavljanju saradnje odnosno sklapanja sporazuma o saradnji te sadržaju i oblicima saradnje odlučuje Općinsko vijeće, pod uslovima utvrđenim zakonom i ovim statutom.



Grb Općine Vareš

POTPISANA POVELJA O SARADNJI I PRIJATELJSTVU OPĆINE JAJCE SA GRADOM SZEKSZARDOM



Intoniranjem državnih himni Mađarske i Bosne i Hercegovine u Jajcu je, na Svečanoj sjednici Općinskog vijeća, potpisana Povelja o prijateljstvu i saradnji između Općine Jajce i grada Szekszárda u Mađarskoj. Delegaciju, sada već prijateljskog Szekszárda, predvodio je gradonačelnik Ács Rezső (Ač Režo) koji nije krio svoje oduševljenje ljepotama grada Jajca i zadovoljstvom što je njihov grad uspostavio prijateljske veze baš sa Jajcem. Pozdravljajući goste predsjedavajući Općinskog vijeća

Jajce Mirko Ljubez istakao je da je stvaranje prijateljstva svečani čin. "Drago mi je da smo danas u prilici biti svjedoci svečanosti u kojoj ćemo povezati naša dva grada i da ćemo u vremenu koje je pred nama biti u prilici razvijati i unaprijediti naše odnose", istakao je u svom obraćanju predsjedavajući Ljubez. Zahvaljujući se gradonačelniku grada Szekszárda što su pokrenuli inicijativu za bratimljenje Načelnik općine Jajce Edin Hozan izrazio je zadovoljstvo što će građani Jajca imati priliku da se kroz ovo partnerstvo više upoznaju sa kulturom ovog grada. „Ovaj čin potpisivanja Povelje o saradnji treba da poluči i druge efekte, da bude spona povezivanja na kulturnom, sportskom, obrazovnom, ali i turističkom polju.

Uzvratna posjeta i ovjera potpisane Povelje o prijateljstvu i saradnji između grada Szekszárda i Općine Jajce uslijediće uskoro.



Grb Općine Jajce

BAŠČARŠIJA POSTAJE PJEŠAČKA ZONA

Na simboličan način je 11. maja / svibnja presijecanjem vrpce je na Baščaršiji obilježen završetak projekta kontrole pristupa užem starogradskom jezgru Sarajeva. U tu svrhu Općina Stari Grad je postavila potopne i fiksne stubiće kojima će se kontrolisati saobraćaj vozila.

Testna faza ovog projekta trajat će 15 dana, a oni koji imaju radnje u starom jezgru grada moći će dobiti kartice koje će im osiguravati ulazak u Baščaršiju u periodu od šest do devet sati



ujutru i od 23 sata do jedan sat iza ponoći. Kartice s kojima će imati neograničen pristup starogradskim ulicama dobile su služba Hitne pomoći, Policijska stanica Stari Grad, Profesionalna vatrogasna brigada Kantona Sarajevo, DVD Vratnik, pokopna društva Bakije i Jedileri te KJKP Rad. Ibrahim Hadžibajrić, načelnik Općine Stari Grad, predstavio je projekat i izrazio nadu da će uspjeti da ograniče saobraćaj u ulicama Baščaršije. "Projekat je počeo još 2007. godine. Tada je Općina Stari Grad platila oko 270.000 KM, ali se nikada nije priveo kraju, jer se nije moglo pronaći rješenje ko će upravljati stubićima. Međutim, pronašli smo rješenje i Općina Stari Grad je obučila ljude koji će nadgledati i upravljati ovim stubićima. Na ovaj način će uže starogradske jezgre biti zatvoreno za saobraćaj. Ostalo nam je još da uradimo dva potopna stubića u donjem dijelu općine, oko Katedrale, čime će projekat biti kompletiran. Tako ćemo potpuno spriječiti ulazak vozila. Nadamo se da će ovo, uz pomoć policije, funkcionisati i da neće biti promenade vozila kroz baščaršijske ulice, kao ranije", kazao je Hadžibajrić. Svaki ulaz u starogradske ulice koji ima stubiće je pokriven videonadzorom, kako ne bi bili oštećeni od vandala. Za završetak projekta Općina Stari Grad je izdvojila neplaniranih 140.000 KM. Kasnije su sredstva rebalansom budžeta osigurana, pa su sve obaveze prema izvođaču radova izmirene. Svi koji su zainteresovani, kodirane kartice za spuštanje potopnih stubića moći će preuzeti u Komunalnoj službi Općine Stari Grad. Kartice će se plaćati na godišnjem nivou, ali prema načelnikovim riječima, njihova cijena će biti simbolična. U prvoj fazi projekta i dijelu druge faze, stubići su postavljeni na devet lokacija: Sebilj (fiksni), Bravadžiluk (fiksni i potopni), Halači (fiksni i potopni), Abadžiluk (potopni), Prote Bakovića (potopni), Kundurdžiluk (potopni i fiksni), Trg Fra Grge Martića (potopni i fiksni), Mula Mustafe Bašeskije (fiksni), Trg oslobođenja – Alija Izetbegović (fiksni).

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

OPĆINA NOVI GRAD SARAJEVO PROVODI AKTIVNOSTI NA REALIZACIJI PROJEKTA „GRAD- OPĆINA PO MJERI DJETETA“

„Grad - Općina po mjeri djeteta“ projekat je kojeg Općina Novi Grad Sarajevo realizirala u saradnji sa međunarodnom organizacijom Save the Children i Udruženjem za zaštitu i ostvarivanje prava djeteta "Naša djeca" s ciljem definisanja potreba i prioriteta djece. U cilju ispunjavanja kriterija za dobijanje sertifikata i postajanja Općinom po mjeri djeteta, Stručni tim Općine Novi Grad Sarajevo započeo je aktivnosti sa akcentom na aktivnoj dječijoj participaciji u životu lokalne zajednice. Im povodom, u zgradi Općine, u četvrtak, 28. aprila, održan je prvi radni sastanak na kojem su dogovorene aktivnosti Dječijeg parlamenta Općine Novi Grad koje će se provoditi na realizaciji projekata „Grad - Općina po mjeri djeteta“ i „Investiranje u djecu“. Sastanku su prisustvovali članovi Dječijeg parlamenta i predstavnici svih osnovnih škola s područja općine, te predstavnici Općine Novi Grad. Kako je tom prilikom rečeno, radeći na poboljšanju života djece istovremeno radimo i na poboljšanju cijele zajednice i na podizanju standarda življenja svih građana u lokalnoj zajednici. Učešće djece u kreiranju boljeg mjesta za življenje, posebno je važno jer se jača samopouzdanje kod djece, način komunikacije i druge socijalne vještine koje su od izuzetnog značaja za razvoj mladog čovjeka. U narednom periodu Općina Novi Grad Sarajevo će zajedno sa partnerima provoditi aktivnosti ka postizanju cilja, a to je da ova lokalna



Grb Općine Novi Grad Sarajevo



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

SVEČANIM KONCERTOM ZAGREBAČKE FILHARMONIJE U VIJEĆNICI JE OBILJEŽEN DAN EVROPE I POBJEDA NAD FAŠIZMOM

Povodom 9. maja, Dana Evrope i pobjede nad fašizmom, Zagrebačka filharmonija je u Vijećnici održala Svečani koncert u organizaciji Grada Sarajeva i gradonačelnika prof. dr Ive Komšića. "Gradu Sarajevu je izuzetna čast što je u prilici da nakon Sarajevske i Bečke filharmonije, u našoj Vijećnici ugosti i Zagrebačku filharmoniju, u godini kada gradovi Sarajevo i Zagreb obilježavaju 15 godina uspješnih partnerskih i prijateljskih veza", istaknuo je prof.



Komšić te se zahvalio gradonačelniku Zagreba Milanu Bandiću koji je posredovao oko organizacije ovoga koncerta. Specijalni predstavnik gradonačelnika Bandića Harun Omerbašić rekao je da je ovaj koncert poklon Zagreba Sarajevu kojim se potvrđuje prijateljstvo dva grada. Poželio je da univerzalni jezik muzike, koji svi razumiju, prenese poruke mira iz Sarajeva. Zagrebački filharmonisti su koncert započeli Odom radosti, a potom su izveli djela Lisinskog, Gotovca i Mendelsona, uz učešće solistkinje-sopranistice Ive Krušić i pod dirigentskom palicom Krešimira Batinića. Svečanim koncertom vrhunskih zagrebačkih umjetnika, zajedno smo pored 9. maja, obilježili godišnjicu otvorenja obnovljene sarajevske Vijećnice, te 145 godina djelovanja Zagrebačke filharmonije i 120 godina od prvog otvorenja Vijećnice. Devetog maja zvanično je otvoreno Spomen-obilježje ubijenoj djeci opkoljenog Sarajeva 1992.-1995., a i prilika je da se i oda počast svim žrtvama atomskog napada na japanske gradove, Hirošimu i Nagasaki, kao i svim stradalima u viorima rata 20. stoljeća. Koncert Zagrebačke filharmonije iz Vijećnice uživo je prenosila BHT1, kao generalni medijski pokrovitelj, čime je bilo omogućeno građanima Sarajeva i Bosne i Hercegovine da u svojim domovima prate i uživaju u ovom vrhunskom muzičkom događaju.



Grb Grada Sarajeva